



Broj: T01 0 KT 0044239 24

Dana, 01.08.2024. godine

OPĆINSKI SUD U VELIKOJ KLADUŠI

Na osnovu odredbe člana 45. stav 2. tačka h, a u vezi sa odredbom člana 241. stav 1. i odredbom člana 350. stav 1. i 2. ZKP-a F BiH, **p o d i ž e m :**

OPTUŽNICU

PROTIV:

K. A.

ŠTO JE

Dana 19.11.2023. godine, oko 10,55 sati, u naselju Z., nakon verbalnog sukoba oko nasipanja lokalnog puta u kojem su učestvovali članovi njegove porodice i porodice K. S. s druge strane, izmjenjujući međusobno psovke i uvrede, a potom, kad ga je njegov brat K. M. upoznao sa svađom, odmah je svojim vozilom marke VW, tip S., registarskih oznaka (...), došao u dvorište K. S., gdje je ponovo došlo do svađe sa K. K., K. Dž., K. H., a dalji sukob je spriječio njegov brat M., nakon čega je, olako smatrajući da neće doći do zabranjene posljedice, u trenutku dok se je okretao u namjeri da izađe iz njihovog dvorišta, a da se prethodno nije uvjerio da li neko stoji u blizini automobila, svjestan da poduzimanjem te radnje na mjestu gdje ima više ljudi može doći do kontakta sa vozilom kojim je upravljao, pa je, propuštajući dužnu pažnju, prednjom bočnom stranom vozila udario u lijevu nogu K. S., na koji način je ista zadobila lake tjelesne povrede u vidu diskretnog otoka lijevog koljena.

Dakle, iz nehata, opće opasnom radnjom izazvao opasnost za život ljudi pri čemu je jedna osoba lako tjelesno povrijeđena.

Č i m e b i počinio krivično djelo - Izazivanje opće opasnosti iz člana 323. stav 4. u vezi sa stavom 1. KZ F BiH.

Na osnovu izloženog, a temeljem odredbe iz člana 350. stav. 1. i 2. ZKP-a FBiH, predlažem da Sud donese presudu kojom se osumnjičeni K. A. oglašava krivim za krivično djelo iz optužnice i izda **sljedeći**:

KAZNENI NALOG

Optuženom K. A., zbog krivičnog djela Izazivanje opće opasnosti iz člana 323. stav 4. u vezi sa stavom 1. KZ F BiH, **izriče se:**

UVJETNA OSUDA

Kojom se optuženom K. A., zbog krivičnog djela – Izazivanje opće opasnosti iz člana 323. stav 4. u vezi sa stavom 1. KZ F BiH, utvrđuje kazna zatvora u trajanju od 2 (dva) mjeseca, i istovremeno se, u smislu odredbe čl. 62. KZ F BiH, određuje da se utvrđena kazna neće izvršiti ukoliko optuženi u roku od 1 (jedne) godine od pravomoćnosti presude ne počini novo krivično djelo.

S toga stavljam,

P r i j e d l o g dokaza koje treba izvesti

- 1. Ispitivanje svjedoka:**
- 2. Ispitivanje vještaka:**
- 3. Pisani dokazi koje treba pročitati/izvršiti uvid:**

REZULTATI ISTRAGE

Dokazi koji potkrepljuju navode optužnice:

KANTONALNI TUŽILAC